

Abschied und Dank

«I ga zu dene, wo mi hei liebt u warte uf diä, woni liebe.»

Vouer Schmäzr hei mir di müesse la gah. Trotz auem si mir dankbar für dini Erlösig. Uf Wunsch vo Dad hets ä stille Abschied im ängschte Familienkreis, ids bestehende Grab vo üsem Mami ufem Schorenfriedhof ds Thun, gä.

Peter Haymoz «Pesche»

14. Juli 1948 bis 5. April 2024

Liebi u Erinnerig isch das wo blibt, wo hüüffe schöni Bilder laht la verbi zieh u üs dankbar uf di gmeinsam verbrachti Zit laht la zrügge luege.

Es isch ä schwäri Zyt, aber es isch tröschend ds erfahre wi viu Liebi, Fründschaft u Ateilnahm mir hei dörfe gspüre.

Mir säge vo Härze danke:

- Ar Manuela Rüber vo In Memoria Bestattig, wo üs liebevoll u sachkundig ufem Wäg vom Abschied begleitet het
- Ar Frau Dr. Flurina Dolfi für ihri langjähregi Begleitig
- Am Team vor onkologische Abteilig vom Spital Thun
- Am Herr Dr. Marc Michot vor Intensivstation Spital Thun, für sini kompetänti u mönsschlechi Arbeit
- Äbeso ar Frau Zaugg und Frau Zobrist vor Intensivstation Spital Thun, wo mit viu Liebi u Gschpüri für üse Dad i sine letschte Stunde si da gsi
- Am Team Bärge 3 vom Berner Reha Zentrum, wo aus Arbeitgäber eifach ungloublech ifühlsam u unkompliziert het d'Müglechkeit gä, i auer Rueh Abschied ds näh u ds truure
- U ganz bsunders danke mir für jedi stilli Umarmig, für jedes tröschende Wort, die viele liebe Charte, Blüemli u für jede Händedruck we d'Wort hei gfäut.

Au das git üs Troscht u Chraft.

Thun, im Mai 2024

Dini Töchter mit Familie, dini Brüder mit Familie